

漢陂集

一
函
八
冊

鄧子修藏

PDG

漢陂集卷五

詩

七言律

閣試十六夜月

佳節纔過獨倚樓清光俄減一分秋
簾櫳移影還如昨
絃管無聲轉覺幽涼逼詩懷刪舊句
狂添酒興換新籌
等閒盈缺知多少吟倚西風莫浪愁

閣試秋聲

誰遣蕭蕭滿屋顛夜窾初聽一淒然
半空澎湃疑翻浪
小榻清虛忽破眠響入疎桐人靜後
韻隨寒雨客愁邊
寫神獲有歐陽賦愧我無能向短篇

暮春即事

禁柳條長穀雨微，輕寒猶自怯朝衣。
春光曾遍花聲歇，春色銜歸燕子飛。
曉闌排青山欲動，露盆凝翠草初肥。
不知萬斛紅塵外，高興何人共浴沂。

曉起

小僮頑懶啓關遲，白紵青鞋獨坐時。
涼雨入宵人未醒，晴風衝曉樹先知。
經年詩卷聊還債，繞屋書聲自課兒。
何處可人猶隔面，淡雲芳草落相思。

川扇

誰剪芭江一片秋，天風吹落鳳池頭。
沅雲香護蠻箋小，

湘雨寒分翠黛愁。明月隨人光欲滿。彩鸞歸院影難留。
幾回夢醒詩成後。徧倚層霄十二樓。

壬戌元宵應制

佳氣葱葱望眼勞。半空歌管月華高。火明金闕千珠樹。
雲擁蓬仙萬錦袍。阿閣暖烟巢彩鳳。瑤池春雨熟蟠桃。
微臣欲獻皋平曲。却愧無才荷寵褒。

雪靜香塵玉漏遲。皇都燈火正參差。春光早動昭陽殿。
月影晴涵太液池。丹鳳盤雲仙樂响。六龍扶輦袞衣垂。
不知李昉輿迎後。湛露何人被寵私。

籀成呈李編修王主事

堂下籬成似水濱，青蒲翠竹自鮮新。
隔籬燕子還尋主，點水蜻蜓不避人。
翰苑功曹俱貴客，王維李白是吾隣。
酒盃稍待秋風後，百遍相邀未厭頻。

寄贈任丘李大夫

去年海上蓬萊閣，獨倚碧闌思故鄉。
即問舟航回劍硯，倏然風露灑衣裳。
白雲團圞晴偏好，舊好舊行和烟翠。
且長已見文星朝北斗，願隨漁父卧滄浪。

十四夜月與李二獻吉飲

萬戶秋風砧杵哀，殊鄉今夕故人來。
竹間涼露滴滿下，樓上浮烟細細迴。
地僻柴門無過客，家貧樽酒有餘杯。

踈簾碧簾須同醉明月青天爲爾開

鴈

薊門雨稀天氣豁風日淒淒雙鴈鳴乍離關塞轉多恨
未到瀟湘仍有情短莎細蒲野田迥澄水遠山秋月清
此身飄泊自足食莫近虞羅傷爾生

顧孔昭出守馬湖

東閣當年共詞賦嗟爾分曹遠素心繡衣持斧郡國動
桃李無言蹊徑深煙際乘舟去裊裊雲邊望闕常陰陰
漢官獨重二千石行路不難休苦吟

雨晴退出左掖

北闕春雲散曉扉西山雪日弄晴暉雨聲恨不連三日
松樹須教過十圍歲遠玉螭書未有書長金馬詔全稀
侍臣欲老惟疎放自笑從容退食歸

春興八首

青山白雪勢崔嵬
薊北春深且未雷
宮柳絲絲鶯不至
塞雲漠漠鳥飛迴
將軍破虜年空老
詞客驚時興轉哀
清夜高樓頻極目
紫微寒影接三台

對門春水草堂寺
隔岸烟霏紫閣山
御道北來通漢苑
浮雲東望滿秦關
黃鶯百轉垂楊裡
翡翠深巢萬竹間
一別故園驚歲月
遊人今已鬢毛斑

聞道秦中雨雪爭邊城烽火日相催陰風濁浪龍蛇開
暮夜深林虎豹哀遂有紅顏啼道路不堪黃髮走塵埃
主都千古河山地經略還須將相才

詞臣往歲侍先皇恩詔叨承入故鄉臨別贈詩黃閣老
遠遊能賦紫微郎庭闈春日遲遲下風雨棠花細細香
五載關心還望嶽幾時回首一登堂

巴城寂寂帶江樓城下清江不斷流鳥道入雲通白帝
漁歌終日起滄洲英雄不廢嚴顏廟割據深知漢主憂
脩竹早梅俱有意少年春服與同遊

憶在梁園詩興發康王城北見黃河信陵公子蕭條盡

白髮侯生感慨多
落日酒酣提劍舞
中流風起扣舷歌
十年徒侶仍稀闊
暮鳥行雲奈爾何

曾從伊闕赴南陽
細草留連白日長
博望虛傳宛馬使
孔明實有臥龍岡
漢王鄉里終非舊
召父祠堂不可忘
南到漢江知未遠
扁舟只少聽滄浪

文皇有意築燕城
隔斷祈連百萬兵
宮闕九重懸象魏
河山千古奠神京
匈奴近入雲中塞
大將誰叱細柳營
總制獨推少司馬
不知烽燧幾時平

赴壽州宿張家灣

玉殿已遙金馬詔
路河遙上壽州船
平沙冉冉細柳動

穠穉悠悠新月懸獻策實生他未老傳經劉向爾何年
青藜點檢蓬窓夜且誦蕪葭白雪篇

九日

客裏逢秋秋更哀細風晴雨負登臺思親畏說秦山遠
憶弟驚看楚鴈迴異國濁醪難獨醉故鄉黃菊莫爭開
帆檣落日聊回首滾滾長波萬里來

亳州

出門二月已三月騎馬陳州來亳州暮雨桃花此客館
春風燕子誰家樓簿書堆案不相放郡守下堂仍苦留
浮名羈絆有如此媿爾沙邊雙白鷗

塗山阻風

沛上還鄉漢祖歌
塗山繫纜古淮河中流隱見蛟龍聞
兩岸飛騰燕雀多
赤壁尚聞公瑾戰桑榆空憶魯陽戈
北風便逐南薰起
上水還從下蔡過

西歸留別吳守四首

濃雲不釀催花雨
閉戶春寒日日陰
眼底有情惟綠酒
世間無用是黃金
連宵慣作還鄉夢
壯士難忘報國心
肯向離筵揮老泪
笑看寶劍賦長吟

龍耳初驚二月雷
天涯歸思冗難裁
黃梅山下人猶遠
紫閣峰前客已回
滿座香風春酒熟
一庭微雨杏花開

敢言獨樂歸司馬且着斑衣戲老萊

百年義氣誰知已二月風光我別君
秦楚路長同見月關山樹迥盡連雲
形容不上麒麟畫萋斐還成貝錦文
君若欲歸歸亦好湘江春水白鷗群

畫工不買毛延壽高士還歸魯仲連
犬馬到頭終戀主英雄回首即登僊
參禪已悟三生石負郭何須二頃田
況有南山蒼翠在年年相對酒杯前

病起

四頂山前新水生壽春城上野雲精
狂夫病起梳頭坐好鳥風來闥樹鳴
桐江漫說蘇仙入期遇舊雙成

請看前夜登天夢已屬西堂愛日情

雨夜漫述四首

聞說湧泉亭下竹青青照水玉棱層未能今夜春山雨
去訪溪林野寺僧風簾蕭蕭千丈下闌干落落幾人憑
曾煩多士登臨約孤負花前酒似澁

壽春縣令祠前水今古相傳飲犢池舊見瑞蓮開上下
况聞脩竹映參差邇年無吏供蘋藻今雨何人種藕絲
若把甘棠輕剪伐夫夫空讀召南詩

花徑春泥濕不乾茅堂夜雨久尤寒禁鍾落月同誰聽
匣劍衡星共獨看鸞鳳遠從千仞起鷓鴣深偕一枝安

始憐客底還鄉蚤轉覺人間行路難
壽州才子是吾隣接席相看語親豈有文章空四海
勿言豪傑在三秦睡聞暮夜桃花雨爛醉山城竹葉春
公等願留歸去急高堂並坐白頭人

雪夜三首

張生愛雪真成癖雪夜顛狂走未休焉得此時同載酒
翩然乘興一登舟寒窗自照疎燈坐布被聊為稚子謀
舟到山陰即回首却令千載慕王猷

天上誰持北斗杓四時元氣賴均調雨暘多寡恒無慮
豺虎縱橫亦自消但願夔龍扶社稷便應巢許老漁樵

江天此日春消息密雪紛紛在柳條

此地春寒也自稀曉看雨雪夜霏霏江湖寂寞魚龍臥
關塞蕭條鳥鵲飛何日放船牽錦纜誰家拾翠換羅衣
晴來欲趁新生水歸去還尋舊釣磯

愛鳬樓

花近高樓烟霧開碧山滄海亦蓬萊門前流水涓涓淨
沙上群鳬日日來此鳥見人渾欲舞老翁戀爾未能回
彩鸞黃鶴無消息唯有忘機鷗不猜

喜官軍破河南諸盜

王師忽報收群寇乘勝長驅汝蔡間久客風塵繁老鬢

添春花鳥破愁顏瘦
醉後任能舞長路平來好便還
書舫喜看經汴國小車行見入秦關

清明是日得舍弟家書

行藏欲卜成都遠但見清明又一年
花盡千枝愁共發柳絲萬縷恨相牽
異鄉戎馬風烟裏故國音書涕淚前
遊子歸途真阻絕將軍破虜莫留連

遣愁

巖穴終歸鄙子真豪華不慕楚春申
終南夜遠往南夢白閣晴連紫閣春
出谷鶯聲能喚友啣泥燕子遠看人
尋常已脫浮名累未必他鄉絆此身

三月晦日二首

隳擬青春作伴歸坐看春盡愁芳菲暮城樓閣風雲暗
野戍關山道路非滄海光陰淹客棹楊花飛舞點人衣
暫時歌笑還堪賞會看良朋到竹扉

白首龐公能避世青春杜甫未還鄉鹿門終去食靈藥
巫峽愁來望洛陽開落桃花仍結子飛歸社燕已巢堂
山城日暮聞風雨梁父吟成恨轉長

五月十日病起聊短述

仲春病起雪冥冥此日南風灑戶庭節序變遷催短鬢
乾坤飄泊任浮萍榴花葵葉紛紛見語燕鳴鳩細細聽